

P R A E F A T I O.

singula hæc, plures peculiare Tractatus seu Locos complectuntur. DEVS enim vel in seipso atq; essentia sue naturâ consideratur, vel in Operibus suis, quibus sese creaturis revelavit, omniaq; gubernat. Primus igitur Locus tractandus occurrit, de DEO, ubi de essentia divina Vnitate, & Personarum Trinitate agitur. Deinde quia hic DEVS, unus & trinus, per rerum omnium creationem sese manifestavit: ideo Secundo Loco dicendum fuit de Opere creationis. Hinc quia idem DEVS, rerum omnium creator omnipotens, opera sua, creaturas, non deserit, sed paternâ suâ Providentiâ, omnia ubique disponit, regit, moderatur, propterea Tertio Loco consideranda fuit, Providentia divina. Tandem verò, quia hominem nobilissimam creaturam, non in externis tantum tuetur & fovet, sed de omni sua divina voluntate, per Scripturas sacras, ad salutem recuperandam, clementissimè informat: eam ob causam, Quarto Loco de Scriptura agendum fuit: ubi plures peculiare quæstiones occurrunt, de Authoritate scripturæ Sacræ: de eiusdem

(:) 5 dem